

اذیت و آزارِ شائول بہ کلیسا و ایمانداران

۱ شائول استیفان کوشتنِ امرأ موفق بو. جہ هو روز آزار و شکنجه اورشليمِ ایمانداران میان شروع بوبوسته. همه تان سراسرِ یہودیه و سامره میان پراکنده بوستیدی، بجز رسولان. ۲ مرداکان خوداترس استیفان بردیدی، دفن کودید و اونره عزاداری بزرگی بر پا بوکودید. ۳ ولی شائول، بی رحمی امرأ مسیحیانِ حملہ کودی و خانه بہ خانه گردستی، مرداکان و زناکان بیرون فکشیدی و زندان میان تاودیدی.

فیلیپس سامره استان میان بشارت دهه

۴ اوشانی کی فرار بوکوده بید، هر جا کی شویدی، خودا کلام بشارت دیدی. ۵ فیلیپس بہ ایتا جہ شهران استان سامره کی شومال اورشليم نہہ بو، بوشو و پیغام مسیحی مردومره موعظه بوکوده. ۶ تومام مردوم وختی فیلیپس گبان ایشنوستیدی، اونچی کی گفتی دقت امرأ

گوش کودیدی، چونکی به عیسی مسیح نام معجزاتی کی آشکار
بوستی دهیدی؛ ۷ کی جہ اون دس ارواح پلید فریاد کونان جہ خیلی
آدمانی کی دیوزده بید، بیرون امویدی و خیلی یان کی ایفلیج و شل
بید شفا پیدا کودیدی. ۸ هنّ وستی بو کی شادی و خوشحالی
زیادی هو شهر میان دکفته.

شمعون جادوگر

۹ هو شهر میان ایتا مردای زندگی کودی کی شمعون نام داشتی و
مردوم سامرهی، خو جادوگری امرأ حیران کوده بو و خودش گفتی کی
خوره ایتا پیله کسی ایسه. ۱۰ همه تان، کوجدانه و پیله دانه، اون گبان
گوش دیدی و گفتیدی: «ا مردای ایتا اوشان پیله خودایان قوته، کی
اون نام (قدرت عظیم) ایسه.» ۱۱ همه تان اون گبان گوش دیدی، چون
سالیان سال بو کی خو جادوگری امرأ مردوم حیران کودی. ۱۲ ولی
وختی فیلیپس بشارت دربارهی خودا پادشاهی و عیسی مسیح باور
بو کودیدی، همه تان جہ مرداگان و زناگان تعمد بیگفتیدی. ۱۳ حتی

شمعونم ایمان باورده و غسل تعمید بیگفته. اون همیشه فیلیپس امرأ بو و جہ معجزاتی کی آشکار بوستی، در عجب و حیرت بو.

۱۴ وختی رسولان، اورشلیم میان بیشنوستیدی کی سامریان، خودا کلام قبول بوکودیدی، پطرس و یوحنا اوسه کودیدی اوشان ورجه.

۱۵ پطرس و یوحنا بمویدی سامره و اوشان ره دوعا بوکودیدی تا

روح القدس دریافت بوکونید، ۱۶ چونکی هنوز هیچ کدام جہ مردوم

سامره روح القدس ناشتیدی، بلکی فقط به عیسای خوداوند نام غسل

تعمید بیگفته بید. ۱۷ پس پطرس و یوحنا اوشان سر، دس بنهیدی و

اوشانم روح القدس دریافت بوکودید.

۱۸ وختی شمعون بیده کی ایمانداران، رسولان دس نهن امرأ

روح القدس دریافت کونیدی، خو پول باورده پطرس و یوحنا ورجه

۱۹ و رسولان بوگفته: «مرأ قدرت فدید تا هر کس سر دس بنم،

روح القدس دریافت بوکونه.» ۲۰ پطرس بوگفته: «تی پول تی امرأ نابود

به! چونکی فکر بوکودی خودا عطای شه پول امرأ هئن. ۲۱ تو خدمت

میان هیچ سهمی ناری، چونکی تی دیل خودا ورجه صاف نی یه.

۲۲ تی شرارتِ جا توبه بوکون و دوعا بوکون بلکی خوداوند اونچیئی
کی تی دیلِ میانِ فکر بوکودی بیخشه؛ ۲۳ چونکی دینم زهر تلخی به
دیل داری و شرارتِ زنجیرِ جا اسیری.»

۲۴ شمعون بوگفته: «شومان می ره خوداوند ورجه دوعا بوکونید کی
هرچی بوگفتیدی می سر نایه.» ۲۵ وختی پطرس و یوحنا، خوداوند
کلام بوگفتیدی و شهادت بدیدی، و اگر دستیدی اورشلیم میان و
هَطو خوشانِ راه سر، سامره دیهاتانِ میانی بشارت دهیدی.